

## **IZVJEŠTAJ O RADU UDRUŽENJA u 2017. godini**

1. Udruženje je realizovalo projekat „Otkud Italijani u Bosni i Hercegovini“. Cilj projekta je promocija djelovanja italijanske nacionalne manjine u BiH, sa fokusom na aktivnosti u Tuzli. Projekat finansira Ministarstvo za ljudska prava i izbjeglice BiH. U okviru projekta realizovane su aktivnosti: održan okrugli sto i okupljanje u Tuzli u Hotelu Tuzla, izrađena publikacije o obitelji Zamboni u Tuzli, realizovan set medijskih nastupa na RTV 7 i RTVTK, realizovana petodnevna izložba fotografija i dokumenata o dolasku Italijana u BiH, u Tuzli od 15.3.2017. i u Banja Luci od 23.3.2017. godine.
2. Potpisan 7.3.2017. godine u Tuzli sporazum sa RTV 7 - Medijskim servisom grada Tuzle za medijsku pokrivenost projekat.
3. U toku mjeseca maja i juna 2017. godine udruženje „Rino Zandonai“ je prijavilo tri projekta i to jedan prema Turističkoj zajednici Tuzlanskog kantona i dva prema Gradu Tuzla. Dva projekta su podržana, jedan nije.
4. Udruženje organizovalo okupljanje članove obitelji koje na bilo koji način imaju italijansko porijeklo na okupljanje u Tuzli subota 17.6.2017. – Hotel Tuzla.
5. Udruženje realizovalo 2.9.2017. godine manifestaciju „Dan italijanske kuhinje u Tuzli 2017“ u okviru Ljeta u Tuzli.
6. Na inicijativu članica udruženja formiran je mješoviti hor sa ciljem očuvanje tradicije pjesme i italijanskog jezika u Tuzli. Hor je nakon više proba prestao sa djelovanjem. Za potrebe hora u Tuzli prikupljena je značajna količina notnih zapisa italijanskih pjesama, a veliki dio je obezbijedila Marija Miladinović i Mario Kronauer Candotti.
7. Članovi udruženja učestvovali su na poziv asocijacije Trentini Nel Mondo kao organizatora i organizacija EZE i UNAIE na seminaru pod sloganom "Evropa svima i za sve". Seminar je održan u periodu od 20-22.10.2017. godine u Riva Del Garda, Trentino. Na seminaru su učestvovali članovi Udruženja Željko Mott, Martina Senkas, Benjamin Razić i Sanja Mott, a bili su prisutni i članovi Udruženja Italijana iz Banja Luke.
8. Udruženje je pripremilo i realizovalo petodnevnu izložbu fotografija i postera italijanskih obitelji koje žive u Tuzli ili koje su nekad boravile u Tuzli. Izložba obuhvata više od 30 uramljenih najznačajnijih fotografija italijanskih obitelji Fontan, Montibeller, Zamboni, Mott, Dorighi, Piccolloti, Menegoni, Segat, Rossi, Daldon, Gojo, Candotti, Bancher, Cordignano i Michelini. Pored obiteljskih fotografija, svaka obitelj je na izložbi bila zastupljena tzv. obiteljskim posterom. Petodnevna izložba je otvorena 22.11.2017. u Galeriji Mandžić, Tuzla. Zadnji dan izložbe 27.11.2017. godine, izložbu je posjetio ambasador Republike Italije u BiH Nicola Minasi, sa saradnicima. Izložba se realizovala u okviru projekta "Obiteljska fotografija" koji finansira Grad Tuzla.
9. Realizovan program fonda solidarnosti za članove udruženja. Sredstva podrške obezbjeđuje provincija Trento, a procjenu socijalnog statusa radi socijalni radnik angažovan ispred udruženja.
10. Trentini nel mondo podržali aktivnosti Dana italijanske kuhinje u Tuzli.
11. Predsjednik učestvovao u radu Vijeća nacionalnih manjina BiH.
12. Predsjednik udruženja prisustvovao sahranama članova udruženja.
13. WEB stranica udruženja se redovno održava, i povremeno se stavljaju obavijesti na facebook grupu Tuzlanski Trentini.

## **FINANSIJSKI IZVJEŠTAJ za 2017. godinu**

Udruženje je uredno prijavilo godišnji obračun za 2017. godinu kod nadležne FIP Tuzla.

Bilans uspjeha pokazuje rezultat primitka sredstava u iznosu od 13.659,00 KM.

Bilans stanja pokazuje iznos sredstava koji je ostao na raspolaganju 31.12.2016. godine: a to je 276,00 KM.

Sredstava kojima raspolaže udruženje su sredstva iz projekata koji se realizuju često i tokom dvije kalendarske godine, pa u finansijskim dokumentima se evidentira trenutno stanje raspoloživosti finansijama sa 31. decembrom tekuće godine.

Kao i svake godine, izvori sredstava su projektni fondovi uglavnom domaćih donatora. Sredstva socijalne pomoći se ne realizuju preko računa Udruženja nego se isplate vrše direktno na račune korisnika. Udruženje nema poreskih dugovanja.